



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De prouidentia, siue prudentia, in agendis. IV

[urn:nbn:de:hbz:466:1-45790](#)

de eis recogitant. In vita sua aliquid esse videbantur, & modo de illis tacetur.

6. O quām citō transit gloria mundi! Utinam vita eorum Eccl. 2. scientiæ ipsorum concordasset, tunc bene studiissent & legissent. Quām multi percunt per vanam scientiam in seculo, qui parum Tit. 1. curant de Dei servitio? Et quia magis eligunt magni esse quām humiles, ideo euanscent in cogitationibus suis. Verè magnus Rom. 1. est, qui magnam habet charitatem. Verè magnus Matth. 18. est, qui in se paruuus est, & pro nihilo omne culmen honoris dicit. Verè prudens est, qui omnia terrena arbitratur ut stercora, ut Christum lucifaciat. Et verè bene doctus est, qui Dei voluntatem facit, & suam voluntatem relinquit.

CAPVT IV.

De prouidentia, sive prudentia, in agendis.

1. Non est credendum omni verbo nec instinctui: sed cautè & Ioan. 4. longanimitate res est secundum Deum ponderanda. Proh dolor, sepe malum facilius, quām bonum de alio creditur & dicitur: ita infirmi sumus. Sed perfecti viri non facilè credunt omni enarranti; quia sciunt infirmitatem humanam ad malum procluem, & in verbis satis labilem.

2. Magna sapientia, non esse præcipitem in agendis, nec pertinaciter in propriis stare sensibus. Ad hanc etiam pertinet, non Gen. 8. quibuslibet hominum verbis credere, nec audita vel credita mox Iacob. 3. Prou. 19. ad aliorum aures effundere. Cum sapiente & conscientioso viro Prou. 17. Eccl. 19. consilium habe; & quare potius à meliore instrui, quām tuas Prou. 12. adiuentiones sequi. Bona vita facit hominem sapientem secundum Deum, & expertum in multis. Quanto quis in se humilio fuerit, & Deo subiectior; tanto in omnibus erit sapientior & pacatior.

CAPVT V.

De lectione sanctorum Scripturarum.

1. V eritas est in scripturis sanctis querenda, non eloquentia. Omnis scriptura sacrâ eo spiritu debet legi, quo facta est. Quærere potius debemus utilitate in scripturis, quam subtilitatem sermonis. Ita libenter deuotos & simplices libros legere debemus, sicut altos & profundos. Non te offendat auctoritas scribentis, vtrum paruæ vel magnæ literaturæ fuerit, sed amor puræ veritatis te trahat ad legendum. Non queras, quis hoc dixerit, sed quid dicatur attende.